

媠 稞 無比止

「米」kap「水」，是咱稻作文化
ê 族群，上 kài 基本 ê 生存要件。
(王昭文 攝影)

王昭華／台文作家

「媠」、「稞」這 lō 代誌，攏講是在人--ê，人若感覺媠就是媠，人若看著一稞就是稞，「媠稞無比止，愛--著較慘死」，媠稞 iah 稞媠，儘看看敢有中人意。

偏偏這個世間，一樣米飼百樣人：伊看講有夠媠--ê，你實在看無 啊 he 是它 leh 媠；你嫌人稞甲有瞎--ê，人伊都感覺「嘿！閣袂稞 neh！」人 kap 人之間，欲有「同感」oan-ná 無簡單，對媠稞 ê 感覺、感受，有一個西洋傳--來-ê、咱本底無 ê 名詞，叫做「美感」。

講起「美感」，人若無看字，犯勢有可能 sa 無，m̄-koh，若去講著「肉感」，這逐個現聽隨知，就是「肉肉肉」的「感」覺。按呢講--來，「美感」就是「美美美」ê 感覺囉？！M̄ 知為啥物，查某人生了稞，會 hōng 笑「阿稞--ê」，若是生了媠，soah 若像無人 leh 叫「阿媠--ê」；正經號名攏是號「美」無號「媠」，「阿美仔、阿美仔」按呢叫，chiâⁿ 親切 ê 菜市仔名。「美女」、「媠查某」，袂講「媠女」、「美查某」，「美」kap「媠」到底是啥物關係？我無聊無聊，



攏 kā 想講，「水」是 leh 止喙 ta--ê、是會當 kā 骯髒物洗清氣--ê，不而過，閣較按怎講，嘛是就愛食「米」，腹肚才會飽；「米」kap「水」，是咱稻作文化 ê 族群，上 kài 基本 ê 生存要件。

咱 o-ló 一个姑娘仔 kài 嬌，會講伊「嬌～噹噹」，he「噹噹」兩聲，敢有啥物特別 ê 意義？換別个聲音敢袂用--得？Bat 聽人講，he「噹噹」ê 音響效果，是代表古早古早 chiok 會堪得妝 ê 美女，金釵耳勾 phoah 鍊手環腰帶玉佩一身齊備，人袂到，聲先到，行著路，配件叮叮咚咚噹噹，「嬌」是目睭看--ê，「噹噹」是耳仔聽--ê，組合--起-來構成咱對一个美女 ê 認知——這 m 知是有稽考 ê 正經話，iah 是 pùn 雞睍 leh 講笑。囡仔時代狡怪性，攏會 kā「噹噹」閣繼續「噹」--落-去，嬌「噹噹噹噹」、「噹噹噹噹」，啊！命運 ê 拚鬥聲，嬌姑娘仔來--ah！加噹欲幾 ā 聲，表示真正有夠嬌 ê 嬌。

「穉」出現 ê 時，m 知為啥物，後壁 tiaⁿ 會拖兩個枷，「穉 kê-kê」、「穉枷枷」，「穉」kap「枷」哪會縛做伙？人人攏愛嬌，「穉」soah 有影親像一副無形 ê 枷，穉人受外貌來限制，佳哉，這限制 m 是 hiah-nī 絕對--ê，嬌人嘛有嬌人 ê 枷，敢 m 是？……一直到出社會食頭路，我才知影有一種物件嘛叫做「kê（蹠）」，看著玻璃矸仔內底有擠蝦仔--ê，嘛有擠花枝--ê，閣有擠丁香--ê，chhiⁿ--ê 無過 sah 就擠入去鼓，鼓甲鹹剝剝，夾一屑仔出來配糜配飯，鼓蹠的海口人講這讚--ê、這

chiok 好食，我想講彼內底的物仔攏是 chhiⁿ--ê，m 就等於鼓 ê sa-sí-mih？平洋 sōng 我，對 he 透明 ê 矸仔內擠甲密 chiu^h-chiu^h、該爛未爛 ê 海洋生物，略仔會驚驚，彼時去想著「穉蹠蹠」。

嬌 kap 穉，逐工目睭 peh 金，就出現 tī 咱 ê 生活中。有 ê 人對「嬌」chiaⁿ 敏感，有 ê 人對「穉」早就痲痹。嬌 kap 穉 ê 判斷力，是神安 tī 咱體內一條非常特殊 ê 神經線，卻是，若欲 tī 台灣這塊蛙甲害害--去 ê 島嶼活--落-去，這條感應嬌穉 ê 神經，無 thāu 死、無抽--起-來，日子是 chiok 痛苦--ê；正經欲 thāu--死、欲抽--起-來，做一个無感無覺 ê 人，有啥物意思？——哪會無意思？嬌穉只是外相啊，袂去計較嬌穉才是無分別心啊，台灣人早就超越「嬌」kap「穉」ê 境界，追求--ê 是「爽」，這你敢 m 知？

敢會？愛嬌 ê 人，敢 m 是愈來愈濟？男男女女重妝閣 gâu 妝，保養品化妝品 m 驚無市場，整型外科美容手術當時行；愛嬌是人 ê 天性，可惜這款天性假若 kan-taⁿ 有才調發揮 tī「人」家己身上，kā 家己妝嬌嬌，總是比妝瘡--ê 較健康，對社會嘛算一份貢獻；無法度管人厝 mài 起 hiah koān 起 hiah 穉、看板 mài 做甲 hiah 大圈 hiah 刺目，總--是會當決定家己衫今仔欲穿佗一軀、指甲油歡喜欲抹佗一色……可憐 ê「無力者美學」。

踏出家門，嬌--ê 攏是愛開錢--ê，生理場 ê 商品是按呢，觀光區 ê 天然景緻漸漸嘛欲變按呢，後日仔想欲享受海沙埔 ê 日頭，可能

攏就愛去蹓海墘仔 ê 大飯店才有彼个福氣。四界行踏，穰--ê soah 攏正常--ê：溝仔溪仔無一條清氣--ê，打馬膠路是欲 hō 車駛 m̄ 是欲予人行--ê，偷擲 ê pùn-sò，續手 hiak-kak ê 飲料罐仔，亭仔跤變車庫，人行道有 ná 無，看板相爭伸欲到路中央，光天白日 LED 燈管嘛閃閃爍，頭前路、後壁巷，鐵窗對鐵窗，籠仔內 ê 識古人生，有人連一个籠仔都買袂起喔，閣嫌？！

「嬌」kap「穰」，是咱家己做得來，咱人所創造。M̄ 知伊甸園內彼穰分別好歹 ê 樹，果子食落腹，會當分別好歹，敢也會當分別嬌穰？〈創世記〉內面，上帝創造天地萬物，見創造一項一類，就有一句講「上帝

看伊是好（和合本：上帝看著是好的）」。「我定定想起這個「看」——創造者對受造物 ê 眼光——「看伊是好」，我想講，這個「好」是肯定、完成 kap 歡喜吧。上帝並無講「看伊是嬌」。

「嬌穰無比止，愛--著較慘死」，這句俗語不止仔有鱸鰻氣，雖然明白人 leh 講這句話 ê 意思，he 若真心去愛--著，才無 leh 管愛人仔生做嬌穰--ah。Iáu m̄ -koh，tī 我心內，「愛--著較慘死」soah 攏會出現耶穌 ê 形象——想欲笑，閣知笑若像 m̄ -tiòh neh，奇妙 ê 感覺。

嬌穰 kap 愛，慘死 kap 活命，就按呢，m̄ 知閣會當講啥。

東榮診所

家庭醫學專科

洪芳茂 醫生

全身健檢・轉診診斷服務

東榮健康全方位： <http://www.markettaiwan.com.tw/jnnemabel/>

保養主治項目：

營養健康調理諮詢 | 等滲透天然營養品

感冒 | 頭痛 | 頭暈

疼痛 | 酸痛

自律神經失調 | 神經衰弱

戒菸 | 戒酒

減重

TEL : 04-23583769

40766 台中市西屯區中工三路78號